

حوار على بوابة الحزن

لا تغمضي بوابة الحزن
طالت بي الوقفة
مليان باللهفة
ما بين أنفاس الهجير
وعبرة لها صوت الهدير
..... محدود بالرفه
لا تغمضي لحظه
بي رغبة لهفه
اقرب من المعقول
وابعد من المجهول
تدفعني للمسرا
بالعالم الاثرا
وما بين الضفه والضفه
بحدد الوقفه
ثم غمضي حيل...حيل
اقوى من الرفه
ان طبت لك
والا اذرفيني دمع
يجتاز حد السمع
اسهل من الرفه

حبيبتي يا فرصة فيها الفصول الأربعة
يا كل لحظات الفرح متجمعه
مشاق انا لك حيل
ضميني بضفاف العيون المتعبة
اباغسل غبار السنين
وأعطيك لآتي حنين
ان طبت لك
والا اذرفيني دمع
يجتاز حد السمع
اسهل من الرفه

والذاكرة
الله على الذاكرة
ما به جميل ذاكره
حاولت من قبل ابدي

ارجع ورا خطوط الورا
وجدتها متاكله
والا وش انتي فاكره
والذاكره
يمكن بها شي جميل ناسيه
يمكن ولكن قاسيه
حبيبتي
ماعدت انا اذكر
ماعاد ابي اذكر
ضميني بضفاف العيون
لي حاجة خلف الجفون
ان طبت لك
والا اذرفيني دمع
يجتاز حد السمع
اسهل من الرفه

حبيبتي مأسورة وسط الآه
ماسور انا بالآه
ابا أمنحك كلي
بس رحبي .. هلي
ولا تدهشي
لو قلت لك
أقدر أوقف في يدي
عقارب الوقت الهرم
وأمدد اللحظة
وأقدر أخالف هالزمن
وأقدر على حفظه
مافيه شي يستاهل الدهشه
لو تمنحيني الحب...
أمنحك الحياة
ان طبت لك
والا اذرفيني دمع
يجتاز حد السمع
أسهل من الرفه

نايف الحربي

البساط
أحمدي

ياحلم الأيام وش باقي بعمر النخيل
وأنا المسافة من أيامي مضارب يدي
كل ماتبلل ضميري من غرابيل ليل
قلت لبلابل جروحي بالحشا غردي
أساير اللحم وأختار الطريق الطويل
وأن بارك الله بعمرى مانشف موعدي
في عمري الود يبقى مثل هملول سيل
وأغلى الدموع الحزينة مثل رش بردي
ياصاحبي مابقى بي روح والموت ميل
شمعة لقانا محبة والغلاموقدي
يا من عيونك مثايل للشعور الأصيل
في شعري اللي تخلد با الخفوق الندي
تختال با اسم الزهور ولايشابهك جيل
يا أغلى من الورد وأبعد من طموح الردي
أسهل وصايفك مايروي خطاي القليل
وأصعب وصايفك نظرة با الخفا يابعدى
من حقد تغار ما أحتجت لغرامي دليل
الله فرش لك خفوقي كالبساط أحمدي
ناصر بدر الناجي

